

Meeqqat atuarfianni pisortat, ullumikkut piumasaqaataareersut saniatigut, pisortaasinnaanissaminnut atuarfinni pisortatut ilinniagaqarsimanissaannut piumasaqaateqarnissaq pillugu Naalakkersuit siunnersuummik suliaqaqqullugit peqquneqarnissaannik siunnersuut. Piumasaqaat ilinniartitaanikkut aaqqissuusseqqinneq aallartinneqarsimasoq eqqarsaatigalugu meeqqat atuarfiat pillugu inatsisissatut siunnersuutissatut naatsorsuutigineqartumut kingusinnerpaamik ilanngunneqassaaq.

(Inatsisartunut ilaasortaq, Sofia Geisler, Inuit Ataqatigiit)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Aappassaaneerinnineq

Naalakkersuisut Kultureqarnermut, Ilinniartaanermut, Ilisimatusarnermut Ilageeqarnermullu Ataatsimiititaliaq qutsavigaat, meeqqat atuarfianni pisortat pisortatut ilinniagaqarsimasarnissaannik siunnersuummut peqqissaartumik suliaqarsimaneranut, kingusinnerpaamik nalilersuilluni misissuinermi ineriartortitsiniarlunilu “Ilinniartitaanerup aaqqissuusaanera eqaatsoq ataqatigiissorlu” atatillugu meeqqat atuarfiat pillugu inatsisiliornissami ilanngunneqartussatut naatsorsuutigineqartussami ilaatinneqartussaaq.

Naalakkersuisut paasivaat Ataatsimiititaliap isumaqatigiissup aalajangiiffissatut siunnersuut akuerineqartussatut inassutigigaat, tamannalu Naalakkersuisut tusaatissatut tiguat

Naalakkersuisut taamaattumik aalajangerneq suliamut misissueqqissaarluni ineriartortitsinermut ilanngutissavaat suliassamullu attuumassutilinnik oqaloqateqarluni atuarfiup pisortaasa suliassaannut sammisumik, sapinngisamik nunatsinni pissutsinut pisariaqartitanullu naleqqussakkamik ilinniagaqartarnissaasa, pingaarnertut meeqqat atuarfianni perorsaanikkut, allaffissornikkut sulisunillu aqutsineq pitsannerusoq piviusunngortikkumallugu.